

आकाशवाणी

1. सरकार नै इक राश्ट्र इक चुनांस सरंबधी विधेयकें गी संयुक्त संसदीय कमेटी गी भेजी दिता ऐ।
2. बीजेपी हर इक राज्य च समान नागरिक संहिता लेइए आग, आखेआ गृह मंत्री अमित शाह होरें।
3. एन.टी.ए-राश्ट्र परीखा एजेंसी 2025 थमां सिर्फ मुकाबले आहले दाखिला इम्तिहान गै करवाग, दुए भर्ती इम्तिहानें गी बाहर रक्खेआ गेआ।
4. एनएसए अजीत डोबाल भारत-चीन बश्कार खास प्रतिनिधिएं दी गल्लबात च हिस्सा लैडन।
5. भारतीयें गी श्रीलंका जाने आस्तै जनवरी 2025 थमां मुफ्त वीजा मिलोग।
6. ते महिला अंतरराष्ट्रीय क्रिकेट च वेस्ट इंडीज नै दुए मैच च भारत गी 9 विकेटें कन्नै हराइए 3 मैचें दी सीरीज़ च बराबरी हासल कीती।

<><><><><><>

ONOE-IPC

सरकारै इक राश्ट्र इक चुनांस विधेयक पर व्यापक विचार-विमर्श आस्तै इसी संयुक्त संसदीय समिति गी भेजी दिता ऐ। गृह मंत्री अमित शाह होरें लोकसभा गी दस्सेआ जे प्रधानमंत्री नरेंद्र मोदी होरें सुझा दिता हा जे विधेयक संयुक्त संसदीय समिति गी भेजेआ जाना लोइचदा ऐ तां जे एहदे उप्पर हर सतह पर व्यापक विचार-विमर्श होई सकै। शाह हुंदा एह बयान लोकसभा च कन्नूद मंत्री अर्जुन राम मेघवाल हुंदे आसेआ 129मां संविधान संशोधन विधेयक ते केंद्र शासित प्रदेश विधि संशोधन विधेयक पेश कीते जाने पर शोर शराबे बश्कार आया ऐ। लोकसभा च विधेयक पेश कीते जाने दे फौरन मगरा विपक्षी दलें एहदे उप्पर आपत्ति जाहिर

कीती। संसद दे हेठले सदन च बिल गी पेश करदे होई उनें आखेआ जे सरकार ONOE गी JPC कश भेजने लेई तैयार ऐ। उनें विपक्ष दी आपत्ति गी राजनीति त्वां प्रेरित दस्सेआ। उनें आखेआ जे दौनें विधेयके दा मकसद मुख्य च लोकसभा ते विधानसभा दे चुनां किठे करोआना ऐ।

<><><><><><>

Amit-Shah

केंद्री गृह मंत्री अमित शाह होरे आखेआ ऐ जे भारती संविधान सरकार आस्तै सिर्फे इक किताब नेई ऐ, सगुआं हाशिए पर रौहने आहले दे कल्याण ते राष्ट्र निर्माण आस्तै इक संवैधानिक प्रोत्साहन ऐ। कल राज्यसीा च भारतीय संविधान दे 75 बरे दे शानदार सफर पर चर्चा दे परते च मंत्री होरे आखेआ जे बीजेपी सरकार दे 16 बरे दे शासन दौरान संविधान च 22 बार संशोधन कीता गेआ हा, जदके कांग्रेस सरकार दे 55 बरे दे कार्यकाल च 77 संशोधन कीते गए हे। समान नागरिकि संहिता बारै बोलदे होई शाह होरे आखेआ जे इसी राज्य च लेयाने आहली बीजेपी सरकार ऐ। उनें आखेआ जे समान नगरिक संहिता गी बीजेपी हर राज्य च लेआग। गृह मंत्री होरे कांग्रेस पार्टी गी पुच्छेआ जे हर धर्म आस्तै इक कनून होना चाइदा जां नेई ते कांग्रेस पार्टी मुस्लिम पर्सनल लास दी हिमायत की करदी ऐ।

<><><><><><>

NTA

केंद्री शिक्षा मंत्री धर्मेन्द्र प्रधान होरे आखेआ ऐ जे राष्ट्र परीक्षा एजेंसी अगले बरे थमां शिक्षा संस्थाने च दाखिले आस्तै मुकाबले आहला दाखिला इम्तिहान करोआग ते कोई बी दुआ भर्ती इम्तिहान नेई होग। इक प्रेस कांफ्रेंस गी संबोधित करदे होई मंत्री होरे आखेआ जे बगैर कुसा गलती दे इम्तिहान लैते जांगन ते जवाबदेही पक्की कीती जाग। प्रधान होरे आखेआ जे शिक्षा ते सेहत मंत्रालय बशकार गल्लबात चला'रदी ऐ जे मेडिकल दाखिला इम्तिहान नीट-यूजी लिखित रूप च लैते जान जां ऑनलाइन मोड च। मंत्री होरे दस्सेआ जे नीट-यूजी इम्तिहान दी जानकारी 2-3 हफ्ते च जारी कीती जाग ते CUET-UG इम्तिहान साल च इक्के बारी लैते

जांगन। प्रधान होरें दस्सेआ जे त्र अध्येक्ष के राधाकृष्णन हुंदी कमेटी दी सिफारिशां अपनाग तां जे इम्तिहान सरबन्धी प्रश्नपत्रें दा सुरक्षित रख-रखाव ते पूरी पारदर्शिता ते निष्पक्ष तरीके इम्तिहान करवाया जाना सुनिश्चित होऐ।

<><><><><><>

Jitender Singh Kisan Kavach

साइंस ते टेक्नालोजी सरबन्धी मंत्री डॉ. जतिंद्र सिंह होरें नमीं दिल्ली च करसानें गी कीटनाशकें दे नुकसानदेह असर थां बचाने आस्तै खासतौरा पर तैयार करसान कवच सूट जारी कीता ऐ। कीटनाशकें दे संपर्क च औने करी साह सरबन्धी परेशानिएं ते अक्खें गी नुकसान सने सेहत सरबन्धी होर केई समस्या होई सकदियां न। सिंह होरें आखेआ जे कीटनाशक रोधी एह सूट करसानें दी सुरक्षा आस्तै महत्वपूर्ण उपास ऐ। इस मौके पर करसानें च करसान कवच सूट बी बंडे गए।

<><><><><><>

Agriculture-Farmer Welfare

कृषि ते करसान कल्याण विभाग आस्तै बजट आवंटन च बरे 2013-14 सोयां 2024-25 बश्कार 6 गुणा बाद्दा होआ ऐ। 2013-14 दे करीबन 21 ज्हार करोड़ रपे दे बजट थां बदाइए इसी 2024-25 बरे च इक लक्ख 22 ज्हार करोड़ रपे करी दिता गोआ ऐ। लोकसभा च इक सौआलें दे लिखित परते च कृषि ते करसान कल्याण राज्यमंत्री रामनाथ ठाकुर होरें दस्सेआ जे करसानें दे कल्याण आस्तै लागू प्रमुख योजनाएं च प्रधानमंत्री करसान सम्मान निधि, प्रधानमंत्री करसान मान-धन योजना ते कृषि ढांचागत फंड शामिल ऐ।

<><><><><><>

India-China Talks

राष्ट्रीय सुरक्षा सलाहकार अजीत डोबाल होर पेइचिंग च भारत-चीन खास प्रतिनिधि गल्लबात च हिस्सा लैडन। इस गल्लबात दा मकसद पूर्वी लद्दाख च सैनिकें दी तैनाती करी पिछले 4 बरें थां बाधित दपक्खी सरबन्धें गी बहाल करना ऐ। डोबाल चीन दे राष्ट्रीय सुरक्षा सलाहकार

ते विदेश मंत्री वांग यी हुंदे कन्नै 23में दौर दी खास प्रतिनिधि सतह दी गल्लबात करडन।
पूर्वी लद्दाख थां सेना हटाने कन्नै सरबन्धी 21 अक्टूबर आहले समझौते मूजब दपक्खी
सरबन्ध परतिए मजबूत करने पर व्यापक विचार-विमर्श होने दी मेद ऐ।

<><><><><><>

Srilanka-Free Visa

श्रीलंका दी जातरा आस्तै भारतीयें गी अगले बरे जनवरी थां मुफ्त वीजा हासिल होग।
भारत उनें 39 मुल्खें च शामिल ऐ, जिंदे आस्तै श्रीलंका नै मुफ्त वीजा दी बवस्था कीती
ऐ। भारत जातरा पर आए दे श्रीलंका दे विदेश मंत्री होरें नमीं दिल्ली च इंडिया फाउंडेशन
आसेआ आयोजित संवाद च एह घोषणा कीती। उनें आखेआ जे एहदे आस्तै संसदीय गजट
अधिसूचना जनवरी च जारी कीती जाग।

<><><><><><>

Prez. Hyderabad

राष्ट्रपति द्रौपदी मुर्मू होर अज्ज हैदराबाद दे बाहरले इलाके बोलारम च राष्ट्रपति निलायम च
केई सारी परियोजनाएं दा शुभारम्भ करंगन ते केइएं दा नीह पत्थर रखंगन। सिकंदराबाद दे
कालेज ऑफ डिफेंस मैनेजमेंट च शुक्रवार गी राष्ट्रपति होर President's Colours पेश
करंगन। राष्ट्रपति होर राज्य दे गणमान्य व्यक्ति, नागरिकें ते शिक्षाविदे आस्तै उस्सै दिन
शामी राष्ट्रपति निलायन च 'एट होम रिसेप्शन' दी मेजबानी करंगन।

<><><><><><>

IMD-Weather

मौसम विभाग नै हिमाचल प्रदेश, पंजाब, हरियाणा, चंडीगढ़ ते राजस्थान दी किश थाहरें पर
ठंडी हवा चलने दी पेशगोई कीती ऐ। अगले 2-3 दिनें दौरान जम्मू-कश्मीर, लद्दाख,
गिलगित बाल्तिस्तान ते मुजफ्फराबाद च इयै नेहा मौसम बने दा रौहग। मौसम विभाग
मूजब असम, मेघालय ते पूर्वी राजस्थान च अगले 2-3 दिनें तगर घना कोहरा छाए दा
रौहग।

<><><><><><>

Delhi

राष्ट्रीय राजधानी दिल्ली च हवा दी गुणवत्ता गंभीर रेणी च बनी दी ऐ। औसत वायु गुणवत्ता सूचकांक 441 दर्ज कीता गेआ। केंद्री प्रदूषण नियंत्रण बोर्ड मूजब राष्ट्रीय राजधानी दे किश इलाकें च सूचकांक 450 गी पार करी गेआ ऐ। दिल्ली दे बवाना च एह् 472, बुराडी च 483, आनंद बिहार च 481, अलीपुर च 473, वजीरपुर च 466 ते अशोक बिहार च 461 दर्ज कीता गेआ।

<><><><><><>

Cricket

ब्रिसबन च बार्डर गवास्कर ट्रॉफी टूर्नामेंट च आस्ट्रेलिया दे कन्नै त्रीए क्रिकेट टेस्ट मैच च अज्ज अखीरी दिन दा खेड्ढ जारी ऐ। एहदे शा पैहले आट्रेलिया 545 रन्जें दे जवाब च भारती टीम अपनी पहली पारी च 260 रन्जें पर सिमटी गई। अज्ज भारत नै अपने कल दे स्कोर 9 विकट पर 252 रन्जें दे अग्गे खेड्ढना शुरू कीता ते 24 गेंदें च 8 रन्ज जोड़े।

<><><><><><>